

Pavidelninkės

Kuožnos nedielės gals lioub tēp nuvargintė, ka vuos begalies stavuotė kuožės pavėlktė: dėina vėsokėi darbā, vakarė – gegožėnės. Pandielės nuoriesės mėiga – apėntās rėks vėlktėis i darba.

Pu nedielės dėinuos atvažiavusi ės kaima i miesta, rītmetie turiejau praėtė pru lėguonėnė. Anuos longā – pri pat gatvės. Vėina karta veizous – gol tuoki baisė puiki merga, rėitus ištėmpusi. „Kas ana nekaita“, – pavuožuojau.

„Kāp gerā ta bestėjė, ka ana gal tēp laigītė... Valog daktarū, monėi da ėlgā rėks gulietė, kol kuožės kaulos sugīs...“, – pavīdiejė veizuntiuoji pru lėguonėnės longa.

Ka pu kėik čiesa sosėtėkosės parokavuov, kou vėina aple ontra vuožuojiev, bova skanė jouka abėdvėm.